

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historiae ecclesiasticae saeculi ... XVI supplementum

Fecht, Johann

Francofurti et Spirae, 1684

VD17 VD17 3:315948Z

XLVI.

[urn:nbn:de:bsz:31-122751](https://nbn-resolving.org/urn:nbn:de:bsz:31-122751)

XLVI.

*Doctissimo viro, D. Doctore Botzemo Absternio, patre
no communi studiorum. Constantie.*

Salutem plurimam, Reverende Botzeme, vir omnium, quos hactenus in hac vita reperi, humanissime. Ullus sum Joanne tuo ad Enispontem usque, qui morum suavitate facile mihi probavit, te illi aliquando fuisse Dominum. Dn. Heer, Balding, ex tua commendatione non alium se mihi præstitit, quam tu ex Erasmi; statim designavit publicum Urbis nuncium, qui sine meo sumtu dux esset itineris. His meritis quam arctè me teneas devinctum, tunc demum scies, cum venerit occasio, qua vel opera vel diligentia vel facultatibus possum aut tibi aut tuis commodare. Est, quod cupio significari Dno. Erasmo. Mihi hoc tempore minimè vacat, tu pro tua in Erasmus observantia non gravaberis id quam primum facere. Nudius tertius primum delatum est ad Ferdinandum opus Paraphraseos in Joannem, sine Epistola, sine ulla commendatione. Princeps tamen benignissimè suscepit & dedit Hieronymo tuo munere, is pollicitus est mihi, curaturum se, ut ornatè concinnatum volumen reddatur Principi. Nisi agnovissem Erasmi manum, non credidissem ab Erasmo missum, nec potest fieri, quin hac parte nuncius, quisquis is fuerat, si non perfidia aut invidia, certè negligentia plurimum peccarit. Cum nunc tandem sit oblatum opus, quod idèd (ni fallor) ita, ut erat, inconcinnatum misit Erasmus, ut Princeps primus omnium nova ejus scerura fieretur. Joanni tuo pro sua erga me fide & diligentia gratias ages. Ego ea laboro rerum inopia, ut præter viaticum nihil habeam, quod donem. Bene vale, Enisponi è lecto, XXVII. die April.

Tui observantissimus

Tho. Lupercus.



XLVII.

*D. Erasmo Roterodamo, Theologo & Oratori facile
Principi. Basilea.*

EX literis ad Fabrum, doctissimum hominem, mihi que amiciss. tuis facile intellexi, residere adhuc in animo tuo memoriam Velii aliquam, quam